

წარმომადგენლობითი საბჭოს

სხდომის ოქმი №23

ქ. თბილისი

24.12.2009 წ.

დღის წესრიგი:

1. წარმომადგენლობითი საბჭოს წევრებისათვის უფლებამოსილების ცნობა.
2. თსუ-ს წესდებაში ცვლილებებისა და დამატებების შეტანის შესახებ.
3. ივანე ჯავახიშვილის სახელობის თბილისის სახელმწიფო უნივერსიტეტის 2009 წლის ბიუჯეტის დამტკიცება.
4. უნივერსიტეტის ცალკეული უძრავ-მოძრავი ქონების სარგებლობის უფლებით გადაცემის შესახებ.
5. “ეკონომიკის მეცნიერებათა დოქტორ რევაზ კაკულიასათვის ივანე ჯავახიშვილის სახელობის მედლის მინიჭების შესახებ” აკადემიური საბჭოს 7.12.2009 წლის №318 დადგენილების დამტკიცება.
6. „პროფესორ-ემერიტუსებისათვის ივანე ჯავახიშვილის სახელობის მედლის მინიჭების შესახებ“ აკადემიური საბჭოს 7.12.2009 წლის №314 დადგენილების დამტკიცება.

სხდომის მუშაობაში მონაწილეობდნენ:

*წარმომადგენლობითი საბჭო – 20 წევრით (ახალი წევრების უფლებამოსილების ცნობის შემდეგ 23 წევრით);
აკადემიური საბჭო – 9 წევრით (დღის წესრიგით გათვალისწინებული მე-2; მე-3, მე-5 და მე-6 საკითხების განხილვაში);*

ადმინისტრაციის ხელმძღვანელის მ.შ რომან ხარბედია, თსუ ხარისხის უზრუნველყოფის სამსახურის უფროსი ირინე დარჩია, ადმინისტრაციის ხელმძღვანელის მოადგილე მარინა ლომოური, ფაკულტეტების დეკანები და ადმინისტრაციის სტრუქტურული ერთეულების ხელმძღვანელები.

დღის წესრიგი წარმომადგენლობითი საბჭოს წევრთა მიერ ერთხმად იქნა დამტკიცებული;

1. წარმომადგენლობითი საბჭოს სპიკერმა კახაბერ ლორიამ აღნიშნა, რომ თბილისის სახელმწიფო უნივერსიტეტის იურიდიულ და სამედიცინო ფაკულტეტებზე ჩატარდა სენატის წევრების არჩევნები. იურიდიულ ფაკულტეტზე თსუ წარმომადგენლობითი საბჭოს (სენატის) წევრებად არჩეულ იქნენ პროფესორები გიორგი კვერენჩილაძე და გიორგი კახიანი; სამედიცინო ფაკულტეტზე - პროფ. გიორგი გალდავა. სპიკერმა კენჭისყრაზე დასვა სენატის ახალი წევრების უფლებამოსილების ცნობის საკითხი.

საკითხის განხილვაში მონაწილეობდნენ:

წარმომადგენლობითი საბჭო – 20 წევრით;

კენჭისყრის შედეგი:

მომხრე – 20;

წინააღმდეგი – 0;

თავი შეიკავა – 0;

მიღებული გადაწყვეტილება:

ცნობილი იქნას გიორგი კვერენჩილაძის, გიორგი კახიანისა და გიორგი გალდავას წარმომადგენლობითი საბჭოს წევრობის უფლებამოსილება.

2. წარმომადგენლობითი საბჭოს სპიკერმა კახაბერ ლორიამ აღნიშნა, რომ წარმოიშვა წესდებაში ცვლილებებისა და დამატებების შეტანის აუცილებლობა “უმაღლესი განათლების შესახებ” საქართველოს კანონში განხორციელებული ცვლილებებიდან გამომდინარე.

საქართველოს განათლებისა და მეცნიერების მინისტრის 2008 წლის 29 მაისის №490 ბრძანებით დამტკიცებული “საჯარო სამართლის იურიდიული პირის- ივანე ჯავახიშვილის სახელობის თბილისის სახელმწიფო უნივერსიტეტის წესდების” X თავის 73-ე მუხლის მე-2 პუნქტი არეგულირებს წესდებაში ცვლილებებისა და დამატებების შეტანის წესს, კერძოდ, 1. უნივერსიტეტის წესდებას შეიმუშავენ უნივერსიტეტის წარმომადგენლობითი საბჭო აკადემიური საბჭოს მონაწილეობით და დასამტკიცებლად წარუდგენს საქართველოს განათლებისა და მეცნიერების სამინისტროს.

2. უნივერსიტეტის წესდების მიღება, გაუქმება მასში ცვლილებებისა და დამატებების შეტანა ხორციელდება ამ მუხლის პირველ პუნქტში მითითებული წესით, წარმომადგენლობითი საბჭოს სხდომის დამსწრეთა ხმების ნახევარზე მეტით. სხდომა უფლებამოსილია მიიღოს გადაწყვეტილება თუ მას ესწრება წარმომადგენლობითი საბჭოს სრული შემადგენლობის ნახევარზე მეტი.

ზემოაღნიშნულიდან გამომდინარე, საბჭოების წინაშე წარმოდგენილია წესდებაში ცვლილებებისა და დამატებების შეტანის შესახებ პროექტი შემდეგი სახით:

1. შევიდეს ცვლილება წესდების მე-3 მუხლის “გ” ქვეპუნქტში და ჩამოყალიბდეს შემდეგი სახით:

“გ. უნივერსიტეტში აკადემიური განათლების სამსაფეხურიანი სწავლების ციკლის (ბაკალავრიატი- მაგისტრატურა-დოქტორანტურა), დიპლომირებული მედიკოსის/სტომატოლოგის/ვეტერინარის სამედიცინო აკადემიური უმაღლესი საგანმანათლებლო პროგრამის, უმაღლესი პროფესიული საგანმანათლებლო პროგრამების, უმაღლესი განათლების პირველი საფეხურის ფარგლებში, ან დამოუკიდებლად არსებული, შესაბამის სტანდარტზე

დაყრდნობით შემუშავებული უმაღლესი საგანმანათლებლო პროგრამა, ფორმალური და არაფორმალური სახელობო, კვალიფიკაციის ამაღლების, გადამზადების, უწყვეტი განათლების, სხვა საგანმანათლებლო პროგრამების, ფუნდამენტური სამეცნიერო კვლევების, მაღალი ტექნოლოგიებისა და თანამედროვე ექსპერიმენტების განხორციელება;

2. წესდების მე-3 მუხლს დაემატოს შემდეგი სახის "თ" ქვეპუნქტი:

„თ“ თავისი პერსონალის პროფესიული განვითარება.

3. შევიდეს ცვლილება წესდების მე-6 მუხლის მე-2 პუნქტში ჩამოყალიბდეს შემდეგი სახით:

„2. უნივერსიტეტი შედგება ძირითადი საგანმანათლებლო ერთეულებისაგან – ფაკულტეტებისაგან, უმაღლესი საგანმანათლებლო დაწესებულები ბიბლიოთეკის, დამხმარე სტრუქტურული ერთეულების: რექტორის აპარატის, ადმინისტრაციის ხელმძღვანელის აპარატის, კანცელარიისა და მართვის ორგანოების სამდივნოებისაგან, დამოუკიდებელი სამეცნიერო კვლევითი ერთეულებისაგან, აგრეთვე საუნივერსიტეტო და საფაკულტეტო მნიშვნელობის, საგანმანათლებლო-სამეცნიერო და სამეცნიერო-კვლევითი ერთეულებისაგან.

4. წესდების მე-6 მუხლს დაემატოს შემდეგი სახის მე-4 პუნქტი:

„4. უნივერსიტეტის სტრუქტურული ერთეულების საქმიანობის წესს განსაზღვრავს დაწესებულების წესდება და შესაბამისი სტრუქტურული ერთეულის დებულება. უმაღლესი საგანმანათლებლო დაწესებულების წესდებით შეიძლება განისაზღვროს ამ დაწესებულების, ან ფაკულტეტის სხვა სტრუქტურული ერთეული, ასევე, დამოუკიდებელი სამეცნიერო-კვლევითი ერთეული, მათი მართვის ორგანოები და საქმიანობის წესი.

5. წესდების მე-9 მუხლს დაემატოს შემდეგი სახის “ფ”, “ქ”, “ღ” ქვეპუნქტები:

„ფ. სიითი შემადგენლობის 2/3 იღებს “უმაღლესი განათლების შესახებ” კანონის 36-ე მუხლის მე-3 პუნქტითა და 39-ე მუხლის მე-2 პუნქტით გათვალისწინებულ გადაწყვეტილებას.

„ქ. აკადემიური საბჭო უფლებამოსილია, რექტორის მიერ საქართველოს კანონმდებლობის დარღვევის, რექტორისათვის დაკისრებული მოვალეობების არასათანადოდ შესრულების, ან/და რექტორისათვის შეუფერებელი საქმიანობის განხორციელების საფუძველით, აკადემიური საბჭოს წევრების არანაკლებ 1/3-ის მოთხოვნით განიხილოს რექტორის უფლებამოსილების ვადამდე შეწყვეტის საკითხი. გადაწყვეტილება რექტორის უფლებამოსილების ვადამდე შეწყვეტის თაობაზე მიიღება ფარული კენჭისყრით, სიითი შემადგენლობის უმრავლესობით. რექტორი ამ პუნქტით გათვალისწინებულ კენჭისყრაში არ მონაწილეობს. ამ საკითხებზე მიღებული გადაწყვეტილებების გასაჩივრება არ იწვევს სადავო აქტის მოქმედების შეჩერებას;

„ღ. აკადემიური საბჭო რექტორის უფლებამოსილების ვადამდე შეწყვეტის შემთხვევაში რექტორის მოვალეობის შესრულებას აკისრებს იმავე ან სხვა აკრედიტებული უმაღლესი საგანმანათლებლო დაწესებულების სრულ ან ასოცირებულ პროფესორს;

6. შევიდეს ცვლილება წესდების მე-9 მუხლის:

ა) “კ” ქვეპუნქტში და ჩამოყალიბდეს შემდეგი სახით:

„კ. აღგენს სხვა აკრედიტებული უნივერსიტეტის მიერ მინიჭებული აკადემიური კვალიფიკაციების, აგრეთვე უმაღლესი და სახელობო განათლების კრედიტების ცნობის წესს;”

ბ) “ლ” ქვეპუნქტში და ჩამოყალიბდეს შემდეგი სახით:

„ლ. ფაკულტეტის საბჭოს, ან/და დამოუკიდებელი სამეცნიერო-კვლევითი ერთეულის’ წარდგინებით ამტკიცებს სადისერტაციო საბჭოს დებულებას;”

7. შევიდეს ცვლილება წესდების მე-11 მუხლის მე-2 პუნქტში და ჩამოყალიბდეს შემდეგი სახით:

ა) „2. აკადემიური საბჭო მოიწვევა ორ კვირაში ერთხელ ან საჭიროებისამებრ. აკადემიური საბჭოს სხდომა მოიწვევა რექტორის ინიციატივით ან აკადემიური საბჭოს წევრთა არანაკლებ 1/3-ის მიერ“.

8. შევიდეს ცვლილება წესდების 23-ე მუხლის პირველ პუნქტში და ჩამოყალიბდეს შემდეგი სახით:

„1. წარმომადგენლობითი საბჭოს სხდომა მოიწვევა სემესტრში ორჯერ მაინც, სპიკერის ინიციატივით ან წარმომადგენლობითი საბჭოს წევრების არანაკლებ 1/3-ის მიერ.

9. შევიდეს ცვლილება წესდების 26-ე მუხლის:

ა) პირველ ქვეპუნქტში და ჩამოყალიბდეს შემდეგი სახით:

„1. სასწავლო და სამეცნიერო-კვლევითი მუშაობა, აგრეთვე მისი პერსონალის პროფესიული განვითარების ხარისხი ექვემდებარება სისტემატურ შეფასებას, რომელშიც მონაწილეობენ აგრეთვე ამ დაწესებულების სტუდენტები და რომლის შედეგები საჯარო და ხელმისაწვდომია დაინტერესებული პირისთვის.”

ბ) მეორე ქვეპუნქტში და ჩამოყალიბდეს შემდეგი სახით:

„2. უნივერსიტეტში სასწავლო და სამეცნიერო-კვლევითი მუშაობის, აგრეთვე მისი პერსონალის პროფესიული განვითარების ხარისხის სისტემატური შეფასების მიზნით იქმნება ხარისხის უზრუნველყოფის სამსახური, რომელიც მოქმედებს ამ წესდების შესაბამისად.”

10. შევიდეს ცვლილება წესდების 28-ე მუხლის “გ” ქვეპუნქტში და ჩამოყალიბდეს შემდეგი სახით”

„გ. დეკანის წარდგინებით შეიმუშავეს და უნივერსიტეტის აკადემიურ საბჭოს დასამტკიცებლად წარუდგენს ფაკულტეტის განვითარების სტრატეგიულ გეგმას, საგანმანათლებლო და სამეცნიერო-კვლევით პროგრამებს;

11. წესდების 28-ე მუხლს დაემატოს შემდეგი სახის “თ” ქვეპუნქტი:

„თ. უფლებამოსილია, დეკანის მიერ საქართველოს კანონმდებლობის დარღვევის, დეკანისათვის დაკისრებული მოვალეობების არასათანადოდ შესრულების ან/და დეკანისათვის შეუფერებელი საქმიანობის განხორციელების საფუძველით, ფაკულტეტის საბჭოს წევრების არანაკლებ 1/3-ის მოთხოვნით განიხილოს დეკანის უფლებამოსილების ვადამდე შეწყვეტის საკითხი. გადაწყვეტილება დეკანის უფლებამოსილების ვადამდე შეწყვეტის თაობაზე მიიღება ფარული კენჭისყრით, სიითი შემადგენლობის უმრავლესობით. დეკანი ამ პუნქტით გათვალისწინებულ კენჭისყრაში არ მონაწილეობს. ამ საკითხებზე მიღებული გადაწყვეტილებების გასაჩივრება არ იწვევს სადავო აქტის მოქმედების შეჩერებას;”

12. შევიდეს ცვლილება წესდების 29-ე მუხლის 1-ელ და მე-40 მუხლის 1-ელ პუნქტებში და ჩამოყალიბდეს შემდეგი სახით:

„1. ფაკულტეტის საბჭო ფაკულტეტის დეკანს ირჩევს 4 წლის ვადით. დეკანის თანამდებობაზე ერთი და იგივე პირი ზედიზედ შეიძლება აირჩეს მხოლოდ ორჯერ. დეკანის თანამდებობის დასაკავებლად კანდიდატების რეგისტრაციის დაწყების შესახებ განცხადებას ფაკულტეტის საბჭო აქვეყნებს კანდიდატების რეგისტრაციის დაწყებამდე არანაკლებ 1 თვით ადრე, გამჭვირვალობის, თანასწორობისა და სამართლიანი კონკურენციის პრინციპების დაცვით. რეგისტრაცია გრძელდება

არანაკლებ 2 და არა უმეტეს 3 კვირისა. არჩევნები ტარდება კანდიდატების რეგისტრაციის დასრულებიდან არანაკლებ 3 კვირის და არა უგვიანეს 1 თვის ვადაში.

ბ) მე-2 პუნქტის „ბ“ ქვეპუნქტში და ჩამოყალიბდეს შემდეგი სახით:

„ბ. ფაკულტეტის საბჭო განსახილველად წარუდგენს ფაკულტეტის განვითარების , სტრატეგიულ გეგმას, საგანმანათლებლო და სამეცნიერო-კვლევით პროგრამებს.

13. შევიდეს ცვლილება წესდების 30-ე მუხლში და ჩამოყალიბდეს შემდეგი სახით:

1.. სადისერტაციო საბჭო არის დოქტორის აკადემიური ხარისხის მიმნიჭებელი ორგანო, რომელიც იქმნება ფაკულტეტზე. უნივერსიტეტის აკადემიური საბჭოს გადაწყვეტილებით შესაძლებელია შეიქმნას საუნივერსიტეტო სადისერტაციო საბჭო.

2. ფაკულტეტის სადისერტაციო საბჭოს შედგენისა და მისი თავმჯდომარის არჩევის წესი განისაზღვრება ფაკულტეტის საბჭოს წარდგინებით აკადემიური საბჭოს მიერ დამტკიცებული დებულებით. საუნივერსიტეტო სადისერტაციო საბჭოს შედგენისა და მისი თავმჯდომარის არჩევის წესი განისაზღვრება ფაკულტეტის საბჭოს/ფაკულტეტების საბჭოების, და დამოუკიდებელი სამეცნიერო-კვლევითი ერთეულის/ერთეულების, ან ფაკულტეტების საბჭოების, ან დამოუკიდებელი სამეცნიერო-კვლევითი ერთეულების წარდგინებით აკადემიური საბჭოს მიერ დამტკიცებული დებულებით.

3. ფაკულტეტის სადისერტაციო საბჭო შედგება დოქტორის აკადემიური ხარისხის მქონე ფაკულტეტის ყველა სრული და ასოცირებული პროფესორისაგან. საუნივერსიტეტო სადისერტაციო საბჭო შედგება დოქტორის აკადემიური ხარისხის მქონე უნივერსიტეტის შესაბამისი დარგის ყველა სრული და ასოცირებული პროფესორისაგან, მათ გარდა ფაკულტეტისა და საუნივერსიტეტო სადისერტაციო საბჭოების შემადგენლობაში შესაბამისი სადისერტაციო საბჭოს გადაწყვეტილებით შეიძლება მოწვეული იყოს დოქტორის აკადემიური ხარისხის მქონე პირიც.

5. სადისერტაციო საბჭო მოქმედებს და დოქტორის აკადემიურ ხარისხს მეცნიერების დარგებში ანიჭებს აკადემიური საბჭოს მიერ დამტკიცებული დებულების შესაბამისად.

6. უნივერსიტეტი უფლებამოსილია სამეცნიერო-კვლევით დაწესებულებასთან გააფორმოს ხელშეკრულება დოქტორანტურის საგანმანათლებლო პროგრამების განსახორციელებლად.”

14. შევიდეს ცვლილება წესდების 31-ე მუხლის პირველ პუნქტში და ჩამოყალიბდეს შემდეგი სახით:

„1. ფაკულტეტზე სასწავლო და სამეცნიერო-კვლევითი მუშაობის, აგრეთვე მისი აკადემიური პერსონალის პროფესიული განვითარების ხარისხის სისტემატური შეფასების მიზნით იქმნება ხარისხის უზრუნველყოფის სამსახური, რომელიც მოქმედებს ფაკულტეტის დებულების შესაბამისად.“

15. შევიდეს ცვლილება წესდების 34-ე მუხლის მე-3 პუნქტში და ჩამოყალიბდეს შემდეგი სახით:

„3. აკადემიური საბჭოს წევრად აირჩევა სრული ან ასოცირებული პროფესორი. აკადემიურ საბჭოს წევრად არ შეიძლება არჩეულ იქნეს ის პირი, რომელსაც სხვა უმაღლეს საგანმანათლებლო დაწესებულებაში უკავია ადმინისტრაციული ან აკადემიური თანამდებობა.

16. ამოღებულ იქნას წესდების 35-ე მუხლის მე-3 პუნქტი;

17. შევიდეს ცვლილება წესდების 36-ე მუხლის მე-2 პუნქტში და ჩამოყალიბდეს შემდეგი სახით:

„2. რექტორის თანამდებობის დასაკავებლად კანდიდატების რეგისტრაციის დაწყების შესახებ განცხადებას უმაღლესი საგანმანათლებლო დაწესებულების აკადემიური საბჭო აქვეყნებს კანდიდატების რეგისტრაციის დაწყებამდე არა ნაკლებ 1 თვით ადრე გამჭვირვალობის, თანასწორობისა და სამართლიანი კონკურენციის პრინციპების დაცვით. რეგისტრაცია გრძელდება არანაკლებ 2 და არაუმეტეს 3 კვირისა. არჩევნები ტარდება კანდიდატების რეგისტრაციის დასრულებიდან არანაკლებ 1 და არაუგვიანეს 2 თვის ვადაში. საარჩევნო პროცედურასთან დაკავშირებულ საკითხებს ადგენს აკადემიური საბჭო და ამტკიცებს წარმომადგენლობითი საბჭო.

18. შევიდეს ცვლილება წესდების 44-ე მუხლის მე-2 პუნქტში და ჩამოყალიბდეს შემდეგი სახით:

„2. კონკურსის ჩატარების თარიღი და პირობები ქვეყნდება საქართველოს კანონმდებლობითა და ამ წესდებით გათვალისწინებული წესით საბუთების მიღებამდე არა ნაკლებ 1 თვით ადრე. საბუთების მიღება გრძელდება არანაკლებ 2 და არაუმეტეს 3 კვირისა. კონკურსი ტარდება საბუთების მიღების დასრულებიდან არანაკლებ 1 და არა უგვიანეს 2 თვის ვადაში.“

19. შევიდეს ცვლილება წესდების 46-ე მუხლის:

ა) “ე” ქვეპუნქტში და ჩამოყალიბდეს შემდეგი სახით:

„ე. პენსიაზე გასვლა ან ემერიტუსის წოდების მინიჭება.“

ბ) “ვ” ქვეპუნქტში და ჩამოყალიბდეს შემდეგი სახით:

„ვ. უნივერსიტეტის წესდების 47-ე მუხლის მე-4 პუნქტით გათვალისწინებული შემთხვევა.“

გ) “ზ” ქვეპუნქტში და ჩამოყალიბდეს შემდეგი სახით:

„ზ. კანონმდებლობით განსაზღვრული სხვა შემთხვევები.“

20. შევიდეს ცვლილება წესდების 47-ე მუხლის:

ა) მე-2 პუნქტში და ჩამოყალიბდეს შემდეგი სახით:

„2. თსუ–ს აკადემიურ თანამდებობაზე 65 წელს მიღწეული პირის არჩევის შესაძლებლობის თაობაზე გადაწყვეტილებას იღებს თსუ აკადემიური საბჭო სითი შემადგენლობის ორი მესამედით. აკადემიურმა საბჭომ აღნიშნული გადაწყვეტილება შეიძლება მიიღოს უმაღლესი საგანმანათლებლო დაწესებულებისათვის, ფაკულტეტისათვის ან ფაკულტეტის ცალკეული მიმართულებისათვის.“

ბ) მე-3 პუნქტში და ჩამოყალიბდეს შემდეგი სახით:

„3. თსუ–ს აკადემიურ თანამდებობაზე მყოფი პირი, რომელმაც მიაღწია 65 წელს, აკადემიური თანამდებობიდან

განთავისუფლდება აკადემიურ თანამდებობაზე არჩევის ვადის გასვლის შემდეგ.”

21. შევიდეს ცვლილება წესდების 48-ე მუხლის მე-2 პუნქტში და ჩამოყალიბდეს შემდეგი რედაქციით:

„2. თსუ-ს 65 წელს მიღწეულ ყველა სრულ პროფესორს ენიჭება ემერიტუსის წოდება, გარდა იმ პირებისა, რომლებიც აკადემიურ თანამდებობაზე არჩეულ იქნენ ამ წესდების 47-ე მუხლის მე-2 პუნქტის შესაბამისად და ამ წესდების 47-ე მუხლის მე-3 პუნქტის თანახმად აგრძელებენ აკადემიურ თანამდებობაზე ყოფნას. ამ პირებს ემერიტუსის წოდება მიენიჭებათ აკადემიურ თანამდებობაზე არჩევის ვადის გასვლის შემდეგ. ამ ვადის გასვლამდე ემერიტუსის წოდების მინიჭება შესაძლებელია მხოლოდ თსუ რექტორის თანხმობით.

22. წესდების 48-ე მუხლს დაემატოს 2¹ და 2² პუნქტები და ჩამოყალიბდეს შემდეგი სახით:

„2¹. თსუ-ში ემერიტუსის წოდების მქონე პირის მიერ იმავე უმაღლეს საგანმანათლებლო დაწესებულებაში აკადემიური თანამდებობის დაკავების შემთხვევაში აკადემიურ თანამდებობაზე ყოფნის ვადით შეჩერდება ამ მუხლის მე-3 პუნქტით გათვალისწინებული თანხის გადახდის ვალდებულება.

2². თსუ-ში ემერიტუსის წოდების მქონე პირს სხვა საჯარო სამართლის იურიდიულ პირში – უმაღლეს საგანმანათლებლო დაწესებულებაში აკადემიური თანამდებობის

დაკავების შემთხვევაში შეუწყდება ემერიტუსის წოდება და ამ მუხლის მე-3 პუნქტით გათვალისწინებული თანხის გადახდა.”

23. შევიდეს ცვლილება წესდების 49-ე მუხლის:

ა) “გ” ქვეპუნქტში და ჩამოყალიბდეს შემდეგი სახით:

„გ. საგანმანათლებლო პროგრამის ფარგლებში დამოუკიდებლად განსაზღვროს სასწავლო კურსის პროგრამების (სილაბუსების) შინაარსი, სწავლების მეთოდები და საშუალებები;”

ბ) “დ” ქვეპუნქტში და ჩამოყალიბდეს შემდეგი სახით:

„დ. 5 წელიწადში ერთხელ პროფესიული განვითარების მიზნით აიღოს ანაზღაურებადი სამეცნიერო-შემოქმედებითი შვებულება არა უმეტეს 1 სასწავლო წლის ვადით;“

გ) “ე” ქვეპუნქტში და ჩამოყალიბდეს შემდეგი სახით:

„ე. განახორციელოს კანონმდებლობით მათთვის მინიჭებული სხვა უფლებამოსილება.“

24. შევიდეს ცვლილება წესდების 50-ე მუხლის „დ“ ქვეპუნქტში და ჩამოყალიბდეს შემდეგი სახით:

„დ. სამეცნიერო-შემოქმედებითი შვებულების დასრულების შემდეგ წარადგინოს ანგარიში ჩატარებული მუშაობის შესახებ“.

25. შევიდეს ცვლილება წესდების 52-ე მუხლის:

ა) “ვ” ქვეპუნქტში და ჩამოყალიბდეს შემდეგი სახით:

„ვ. “უმაღლესი განათლების შესახებ” საქართველოს კანონის 74-ე მუხლის მე-3 პუნქტით გათვალისწინებული შემთხვევა;”

ბ) “ზ” ქვეპუნქტში და ჩამოყალიბდეს შემდეგი სახით:

„ზ. უფლებამოსილების ვადამდე შეწყვეტის შემთხვევაში;”

გ) “თ” ქვეპუნქტში და ჩამოყალიბდეს შემდეგი სახით:

„თ. საქართველოს კანონმდებლობით გათვალისწინებული სხვა შემთხვევები.”

26. შევიდეს ცვლილება წესდების 53-ე მუხლის მე-2 პუნქტში და ჩამოყალიბდეს შემდეგი სახით:

„2. . აკადემიური საბჭოს წევრს არ შეიძლება უნივერსიტეტში ან სხვა საგანმანათლებლო დაწესებულებაში იმავდროულად ეკავოს ადმინისტრაციული თანამდებობა, გარდა თსუ-ს რექტორისა, ან იყოს წარმომადგენლობითი საბჭოს წევრი.

27. წესდების 53-ე მუხლს დაემატოს მე-4 პუნქტი და ჩამოყალიბდეს შემდეგი სახით:

„4. თუ ადმინისტრაციული თანამდებობის დაკავების ან მართვის ორგანოს წევრობის წინაპირობაა აკადემიურ თანამდებობაზე ყოფნა, აკადემიურ თანამდებობაზე ყოფნის ვადის გასვლა იწვევს შესაბამის ადმინისტრაციულ თანამდებობაზე ან მართვის ორგანოში უფლებამოსილების შეწყვეტას აკადემიური თანამდებობის დასაკავებლად გამოცხადებული კონკურსის შედეგების დამტკიცებისთანავე, თუ პირი არ აირჩა შესაბამის აკადემიურ თანამდებობაზე.”

28. შევიდეს ცვლილება წესდების 54-ე მუხლის პირველ პუნქტში და ჩამოყალიბდეს შემდეგი სახით:

„1. უნივერსიტეტის სტუდენტი არის პირი, რომელიც “უმაღლესი განათლების შესახებ” საქართველოს კანონითა და უნივერსიტეტი წესდებით განსაზღვრული წესით ჩაირიცხა და სწავლობს უნივერსიტეტში დიპლომირებული სპეციალისტის, ბაკალავრიატის, მაგისტრატურის ან დიპლომირებული მედიკოსის/სტომატოლოგის/ვეტერინარის, ასევე დოქტორანტურის საგანმანათლებლო პროგრამის გასავლელად.

29. შევიდეს ცვლილება წესდების 55-ე მუხლის:

ა) „ი“ ქვეპუნქტში და ჩამოყალიბდეს შემდეგი სახით:

„ი. აირჩიოს საგანმანათლებლო პროგრამა;“

ბ) „კ“ ქვეპუნქტში და ჩამოყალიბდეს შემდეგი სახით:

„კ. მონაწილეობა მიიღოს ინდივიდუალური საგანმანათლებლო პროგრამის შემუშავებაში.“

30. შევიდეს ცვლილება წესდების 60-ე მუხლში და ჩამოყალიბდეს შემდეგი სახით:

1. თსუ-ში აკადემიური უმაღლესი განათლების მიღება შეიძლება ერთსაფეხურიანი, ორსაფეხურიანი და სამსაფეხურიანი სწავლების საფუძველზე.

2. აკადემიური უმაღლესი განათლების საფეხურებია:

ა) პირველი საფეხური (ბაკალავრიატი) – საგანმანათლებლო პროგრამა, რომელიც მოიცავს არანაკლებ 240 კრედიტისა;

ბ) მეორე საფეხური (მაგისტრატურა) – საგანმანათლებლო პროგრამა, რომელიც მოიცავს არანაკლებ 120 კრედიტს; (გარდა „უმაღლესი განათლების შესახებ“ საქართველოს კანონის 46-ე მუხლის 2² პუნქტით გათვალისწინებული შემთხვევისა);

გ) მესამე საფეხური (დოქტორანტურა) – საგანმანათლებლო პროგრამა, რომელიც მოიცავს არანაკლებ 180 კრედიტს.

3. ერთსაფეხურიანი სწავლება თსუ-ში არის:

ა) დიპლომირებული სპეციალისტის საგანმანათლებლო პროგრამა;

ბ) სამედიცინო განათლების პროგრამა. (სამედიცინო, სტომატოლოგიური და ვეტერინალური განათლება).

გ) მასწავლებლის მომზადების საგანმანათლებლო პროგრამა. (მოიცავს 60 კრედიტს და ისწავლება არანაკლებ 1 სასაწავლო წლის განმავლობაში).

31. შევიდეს დამატება წესდების 62-ე მუხლში და იგი ჩამოყალიბდეს შემდეგი სახით:

“მუხლი 62. თსუ-ს საპატიო დოქტორის და საპატიო პროფესორის წოდებები

1. აკადემიურ საბჭოს უფლება აქვს, ფაკულტეტის წარდგინებით მიანიჭოს თსუ საპატიო დოქტორის წოდება პირს, რომელსაც განსაკუთრებული წვლილი აქვს შეტანილი იმ მეცნიერებაში/მეცნიერებებში, რომელსაც ეს ფაკულტეტი წარმოადგენს.

2. რექტორის აქტის საფუძველზე შექმნილ მრჩეველთა საბჭოს წევრს რექტორის ბრძანებით ენიჭება თსუ საპატიო პროფესორის წოდება”.

32. შევიდეს ცვლილება წესდების 66-ე მუხლის პირველ პუნქტში და ჩამოყალიბდეს შემდეგი სახით:

„1. უნივერსიტეტის საბიუჯეტო დაფინანსება ორიენტირებულია სწავლებასა და სამეცნიერო კვლევაზე, ამ დაწესებულებისათვის კადრების მომზადებაზე, გადამზადებასა და პროფესიულ განვითარებაზე“.

აზრი გამოთქვეს: წარმომადგენლობითი საბჭოს წევრებმა – კახაბერ ლორიაძემ, შოთა სამსონიამ, იურიდიული დეპარტამენტის უფროსმა ლელა ბენიძემ.

აღნიშნულ საკითზე გაიმართა კენჭისყრა, რომელშიც კანონდებლობისა და თსუ-ს წესდების შესაბამისად მონაწილეობდნენ მხოლოდ წარმომადგენლობითი საბჭოს წევრები.

კენჭისყრის შედეგი:

მომხრე – 23;

წინააღმდეგი – 0;

თავი შეიკავა – 0;

მიღებული გადაწყვეტილება:

შეტანილი იქნეს ცვლილებები და დამატებები წესდებაში წარმოდგენილი სახით და იგი დასამტკიცებლად გადაეგზავნოს საქართველოს განათლებისა და მეცნიერების სამინისტროს.

3. „უმაღლესი განათლების შესახებ“ საქართველოს კანონის 24-ე მუხლის 1 პუნქტის „ე“ ქვეპუნქტის შესაბამისად ივანე ჯავახიშვილის სახელობის თბილისის სახელმწიფო უნივერსიტეტის 2010 წლის ბიუჯეტის პროექტი

წარმოადგინა თსუ-ს ადმინისტრაციის ხელმძღვანელის მოვალეობის შემსრულებელმა რომან ხარბელიამ. მომხსენებელმა აღნიშნა, რომ მიმდინარე წელს ბიუჯეტის ფორმირების პროცესში გარკვეულ სიახლეებს ჰქონდა ადგილი. მთავარი არის ის, რომ საბიუჯეტო პროცესში აქტიურად იყვნენ ჩაბმულნი ფაკულტეტები და უნივერსიტეტის დეპარტამენტები. პარალელურად მიმდინარეობდა 2009 წლის ბიუჯეტის ძირითადი პარამეტრების ანალიზი; ბიუჯეტის პროექტი გამოქვეყნდა უნივერსიტეტის ვებგვერდზე, დაურიგდა საბჭოს წევრებს, შედგა ბიუჯეტის წინასწარი განხილვა საბჭოების წევრების მონაწილეობით. აღნიშნულის გათვალისწინებით, მომხსენებელმა მიზანშეწონილად ჩათვალა მხოლოდ მთავარ მომენტებზე ყურადღების გამახვილება. კერძოდ: ბიუჯეტის ძირითად პრიორიტეტად მიჩნეულ იქნა აკადემიური პერსონალის შრომის ღირსეული ანაზღაურების უზრუნველყოფა. მან ასევე აღნიშნა, რომ მომავალში უნივერსიტეტში გარკვეული ღონისძიებები (კონფერენციები, სიმპოზიუმები და ა.შ.) სასურველია ჩატარდეს თვითდაფინანსების საფუძველზე, როგორც ეს მიღებულია საერთაშორისო პრაქტიკაში. მომხსენებელმა წარმოადგინა ბიუჯეტის ხარჯვითი ნაწილი ცალკეული ფაკულტეტების მიხედვით და უპასუხა სხდომის მონაწილეთა შეკითხვებს.

აკად. საბჭოს წევრის, პროფ. ელიზბარ ნადარაიას შეკითხვა: რატომ აქვთ შედარებით დაბალი ხელფასი მათემატიკოსებს?

ბ-ნ რ. ხარბელიას პასუხი: უნივერსიტეტის ადმინისტრაციამ დამატებით 300 000 ლარი გამოჰყო, რომელიც მოხმარდება აკადემიური პერსონალის შრომის ანაზღაურების გაზრდას და ამ საკითხში ფაკულტეტებს მიენიჭებათ უფრო მეტი ავტონომია.

აზრი გამოთქვეს: ზუსტი და საბუნებისმეტყველო ფაკულტეტის დეკანმა, პროფ. რამაზ ბოჭორიშვილმა აღნიშნა ფაკულტეტის ბიუჯეტის გაზრდის ფაქტი და მადლობა გადაუხადა უნივერსიტეტის ადმინისტრაციას. ხელფასის დიფერენციაცია ფაკულტეტის შიგნით მან იმ გარემოებით ახსნა, რომ სტუდენტები ცალკეული სპეციალობების მიხედვით არათანაბრადაა განაწილებული და ანაზღაურება დამოკიდებულია სტუდენტთა რაოდენობაზე. მანვე დასძინა, რომ აპირებს ფაკულტეტის

შიგნით ხელფასის კიდევ უფრო მეტად დიფერენციაციას და შრომის ანაზღაურებაში თითოეული პროფესორის საქმიანობის უფრო ზუსტად გათვალისწინებას.

თსუ ხარისხის უზრუნველყოფის სამსახურის უფროსმა, პროფ. ირინე დარჩიამ აღნიშნა, რომ 2009 წლის ზაფხულში ცვლილება შევიდა უმაღლესი განათლების შესახებ კანონში და დაწესდა უმაღლესი სასწავლებლების შემდეგი დიფერენციაცია: უნივერსიტეტი (ანუ კვლევითი უნივერსიტეტი), სასწავლო უნივერსიტეტი და კოლეჯი. მან ხაზი გაუსვა იმ გარემოებას, რომ ყველა პარამეტრით თსუ არის კვლევითი უნივერსიტეტი და ყველაფერი უნდა გაკეთდეს მისი ამ სტატუსის შენარჩუნება-განმტკიცებისათვის. ამ თვალსაზრისით მან აუცილებლად მიიჩნია უნივერსიტეტის ბიუჯეტში მეცნიერული კვლევების დაფინანსების უფრო სრულად ასახვა.

აკად. საბჭოს წევრმა, პროფ. ალექსანდრე შენგელიამ ორ საკითხზე გაამახვილა ყურადღება: 1. მან არასწორად მიიჩნია ის ფაქტი, რომ შრომის ანაზღაურების თვალსაზრისით უნივერსიტეტის ფაკულტეტები არათანაბარ მდგომარეობაში იმყოფებიან; 2. აკრედიტაციის ორგანო მაქსიმალური ობიექტურობით უნდა მოეკიდოს თსუ აკრედიტაციას.

თსუ რექტორმა, აკად. საბჭოს თავმჯდომარემ, პროფ. გიორგი ხუბუამ ისაუბრა აკადემიური პერსონალის ანაზღაურების შესახებ და აღნიშნა, რომ აკადემიური პერსონალის ხელფასში უკვე ასახულია კვლევის კომპონენტის ანაზღაურება. მან არ გამორიცხა მეორე ვარიანტიც – სამეცნიერო კვლევების ერთიანი შიდა საუნივერსიტეტო ფონდის შექმნაც, მაგრამ ამ შემთხვევაში რთული იქნება სათანადო თანხების გამოძებნა. პროფ. გიორგი ხუბუამ ისაუბრა გამოყოფილი თანხების მიზნობრიობისა და გამოყენების ეფექტიანობის ამაღლების აუცილებლობაზე. კერძოდ, ხაზი გაუსვა ამ თანხის დიდი ნაწილის დოქტორანტების მომზადებაზე წარმართვის აუცილებლობას.

ეკონომიკისა და ბიზნესის ფაკულტეტის დეკანმა, პროფ. ელენე ხარაბაძემ აღნიშნა, რომ ფაკულტეტის აკადემიური პერსონალის შრომის ანაზღაურების საგრძნობი გაზრდა მოხდა პერსონალის ოპტიმიზაციის ხარჯზე და გაკეთდა 6 000 აკადემიური საათის ეკონომია. აქედან გამომდინარე, შესაძლებელია ამ რესურსების გამოყენება უცხოელი ლექტორებისა და ჩვენი ქვეყნის წამყვანი სპეციალისტების მოსაწვევად.

ქნმა თამარ შოთაძემ – სენატის წევრმა – ისაუბრა იურიდიულ ფაკულტეტზე დიფერენცირებული შრომის ანაზღაურების სამართლიანობასა და ეფექტიანობაზე.

პროფ. გია ჟორჯოლიანი – სენატის წევრმა – ყურადღება გაამახვილა მეცნიერული კვლევების დაფინანსების საკითხზე. მან მიზანშეწონილად მიიჩნია სხვადასხვა დარგებში სამეცნიერო ნაშრომების სერიების გამოცემის დაფინანსება უნივერსიტეტის ბიუჯეტიდან.

სხდომაზე დამსწრე ჰუმანიტარული ფაკ-ის პროფესორმა ლევან გორდუზიანი ყურადღება გაამახვილა ორ საკითხზე. მან აღნიშნა, რომ უნივერსიტეტში სამეცნიერო მუშაობის დაფინანსების მოქმედი წესი ხარვეზებს შეიცავს და საჭიროებს სრულყოფას. ასევე მიუთითა, რომ არასწორად მიიჩნევენ ფაკულტეტის შიგნით დეპარტამენტებს შორის ხელფასში განსხვავების არსებობას და ხელფასის მომატების რეზერვს ხელავს მოწვეული ლექტორების რაოდენობის შემცირებაში.

პროფ. ქეთევან მარშავამ – აკადემიური საბჭოს წევრმა – აღნიშნა, რომ ბიუჯეტის პროექტი შემუშავდა სამართლიანად, გამჭვირვალედ და იგი არ ეთანხმება ზოგიერთი კოლეგის მოსაზრებას, რომლებიც დაუშვებლად მიიჩნევენ ფაკულტეტებისა და სპეციალობების მიხედვით ხელფასის დიფერენციაციას. მისი აზრით, ზუსტი და საბუნებისმეტყველო ფაკულტეტების წარმომადგენლებმა აქცენტი უნდა გადაიტანონ გრანტების მოზიდვით შრომის ანაზღაურების გაზრდაზე.

ბ-ნმა ირაკლი საღარეიშვილმა – თსუ საფინანსო ეკონომიკური დეპარტამენტის ხელმძღვანელმა – წამოაყენა წინადადება: წარმოდგენილი სახით დამტკიცდეს ბიუჯეტი და მომავალში სამუშაო წესით, საჭიროების შემთხვევაში მოხდეს მასში ცალკეული ცვლილებების შეტანა.

აღნიშნულ საკითზე გაიმართა კენჭისყრა, რომელშიც კანონმდებლობისა და თსუ-ს წესდების შესაბამისად მონაწილეობდნენ მხოლოდ წარმომადგენლობითი საბჭოს წევრები.

კენჭისყრის შედეგები

მომხრე: 23

წინააღმდეგი: 0

თავი შეიკავა: 0

მიღებული გადაწყვეტილება:

დამტკიცდეს ივანე ჯავახიშვილის სახელობის თბილისის სახელმწიფო უნივერსიტეტის 2010 წლის ბიუჯეტი წარმოდგენილი სახით.

4. დღის წესრიგის მე-4 საკითხთან დაკავშირებით აღნიშნა, რომ “უმაღლესი განათლების შესახებ” საქართველოს კანონის 85-ე მუხლის თანახმად “საჯარო სამართლის იურიდიული პირის - უმაღლესი საგანმანათლებლო დაწესებულების უძრავი ქონების ან მისი ნაწილის შეძენა, გასხვისება ან იჯარით გაცემა, ასევე ნებისმიერი გადაწყვეტილების მიღება ქონებასთან დაკავშირებით, თუ იგი სცილდება საგანმანათლებლო და სამეცნიერო - კვლევითი საქმიანობის ფარგლებს, შეიძლება მხოლოდ უმაღლესი საგანმანათლებლო დაწესებულების წარმომადგენლობითი საბჭოს გადაწყვეტილებით საქართველოს განათლებისა და მეცნიერების სამინისტროსა და საქართველოს ეკონომიკური განვითარების სამინისტროს თანხმობით, კანონმდებლობის მოთხოვნათა გათვალისწინებით.

ზემოაღნიშნულიდან გამომდინარე, თსუ ადმინისტრაციის მხრიდან მოთხოვნილია თანხმობა, ქვემოთმითითებული უძრავ-მოძრავი ქონების სარგებლობის უფლებით გადაცემაზე, ხოლო წერილის პირველ პუნქტში მითითებულ საკითხთან დაკავშირებით თანხმობა 16.12.2009 უზუფრუქტის ხელშეკრულების ნაწილობრივ გაუქმებაზე ზედდების გამოსწორების მიზნით ტოლფასი მიწის ნაკვეთის გადმოცემის სანაცვლოდ, კერძოდ:

“ა” ივანე ჯავახიშვილის სახელობის თბილისის სახელმწიფო უნივერსიტეტს 24.08.2009 წ. №16743/02 წერილით მომართა თბილისის მუნიციპალური საწარმო “ჰერმესის” გენერალურმა დირექტორმა გიორგი საგინაშვილმა, რომელშიც აღნიშნულია, რომ საბურთალოს სამართლებრივი რეგისტრაციის მიზნით, მზადდება სასაფლაოს მიერ დაკავებული მიწის ნაკვეთის გეგმა-ნახაზი, მუშა პროცესში გამოვლენილია ზედდება, უნივერსიტეტის მიერ რეგისტრირებული მიწის ნაკვეთის გარკვეული ნაწილის სასაფლაოს მიერ წლების წინ ათვისების გამო. წერილში აღნიშნულია, რომ მითითებული ფაქტის მიმართ მერიის პოზიციაა შემოგვათავაზონ ტოლფასი მიწის ნაკვეთი მიმდებარე ტერიტორიაზე. შესაბამისად, წერილით დასმულია საკითხი, განვიხილოთ აღნიშნული წინადადება და დადებითად გადაწყვეტის შემთხვევაში, დროულად მოვახდინოთ არსებული საზღვრების კორექტირება. ქ. თბილისის მერიის არქიტექტურის სამსახურში არაერთი შეხვედრა მიეძღვნა აღნიშნული პრობლემის დარეგულირების საკითხს. დაისახა გარკვეული გზები პრობლემის დასარეგულირებლად. იმის გათვალისწინებით, რომ ფაქტობრივად შეუძლებელია პირვანდელი მდგომარეობის აღდგენა. აღნიშნული პრობლემის დარეგულირების მიზნით, მიზანშეწონილად ჩაითვალა უნივერსიტეტის მიწის ნაკვეთის გეგმის (წითელი ხაზების) კორექტირება ფართის შეუცვლელად. საქართველოს ეკონომიკური განვითარების სამინისტროსთან კონსულტაციის შედეგად გაირკვა, რომ საკითხის გადასაწყვეტად საჭიროა გაუქმებულ იქნას საქართველოს ეკონომიკური განვითარების სამინისტროსა და უნივერსიტეტს შორის 16.12.2009 წლის უსასყიდლო უზუფრუქტის ხელშეკრულება 5837,08 კვ.მ მიწის ნაკვეთის ნაწილში.

ამდენად, წარმომადგენლობითმა საბჭომ უნდა იმსჯელოს აღნიშნულ საკითხზე და გასცეს თანხმობა (მიზანშეწონილობის

შემთხვევაში), რათა გაუქმდეს საქართველოს ეკონომიკური განვითარების სამინისტროსა და უნივერსიტეტს შორის 16.12.2009 წლის უსასყიდლო უზუფრუქტის ხელშეკრულება 5837,08 კვ.მ მიწის ნაკვეთის ნაწილში, ტოლფასი მიწის ნაკვეთის გადმოცემის სანაცვლოდ, ანუ ფართის უცვლელად.

“გ” მოქალაქე თამაზ ცხაკაია ითხოვს ქ. თბილისში, უნივერსიტეტის ქუჩაზე, მაღლივი კორპუსის მიმდებარედ 20 კვ.მ. მიწის ნაკვეთის იჯარით აღებას საკანცელარიო საქონლისა და წიგნების რეალიზაციის მიზნით.

“გ” თსუ ადმინისტრაცია ითხოვს თანხმობას უნივერსიტეტისათვის უსასყიდლო უზუფრუქტის ფორმით გადმოცემულ კორპუსებში (მე-2, მე-6, მე-10 (მაღლივი), მე-11 სასწავლო კორპუსი (ბიოლოგები), საუნივერსიტეტო ბიბლიოთეკა) - სწრაფი კვების აპარატისა და გამაგრებელი სასმელების განსათავსებლად.

“დ.” შპს “ლოტოსის” დირექტორი ითხოვს უნივერსიტეტის ბაგების სტუდენტების სამრეცხაოში არსებული სარეცხი კომპლექტის (უთო, საშრობი) შესყიდვას ან იჯარით გაცემას. შპს აუდიტორული კომპანია “ათოსის” დასკვნის მიხედვით, აღნიშნული მოძრავი ქონების აღდგენა არარენტაბელურია, მისი შეფასება მოხდა არსებული კვანძების და დეტალების წონის ჯართის საბაზრო ფასად და რეალური ღირებულება შეფასების მომენტისათვის შეადგენს 300 ლარს.

ამასთან, აღინიშნა, რომ ივანე ჯავახიშვილის სახელობის თბილისის სახელმწიფო უნივერსიტეტის, როგორც უზუფრუქტუარის, სარგებლობაში არსებული არასაცხოვრებელი ფართებისა და მიწის ნაკვეთების საკონკურსო საბაზრო საწყისი საიჯარო ქირა განსაზღვრულია ლიცენზირებული შპს აუდიტორი ფირმა “ათოსი“-ის მიერ და ზემოაღნიშნული ქონების (წერილის

მე-2, მე-3 მე-4 პუნქტები) სარგებლობის ან საკუთრების ფორმით გადაცემა მოხდება კანონმდებლობით დადგენილი წესით.

საკითხის განხილვაში მონაწილეობდნენ:

წარმომადგენლობითი საბჭო – 23 წევრით;

კენჭისყრაზე დაიხვა აღნიშნული საკითხის “ა” პუნქტი, კერძოდ, საქართველოს ეკონომიკური განვითარების სამინისტროსა და უნივერსიტეტს შორის 16.12.2009 წლის უსასყიდლო უზუფრუქტის ხელშეკრულების გაუქმებაზე 5837,08 კვ.მ მიწის ნაკვეთის ნაწილში, ტოლფასი მიწის ნაკვეთის გადმოცემის სანაცვლოდ, ანუ ფართის უცვლელად.

აღნიშნულ საკითხზე წარმომადგენლობითი საბჭოს წევრებს დეტალური ინფორმაცია მიაწოდა მატერიალური რესურსების მართვის დეპარტამენტის ექსპერტმა პავლე ზაგაშვილმა. გაიმართა მსჯელობა აღნიშნული საკითხის ირგვლივ.

კენჭისყრის შედეგი:

მომხრე – 23;

წინააღმდეგი – 0;

თავი შეიკავა – 0;

მიღებული გადაწყვეტილებები:

გაიცეს თანხმობა საქართველოს ეკონომიკური განვითარების სამინისტროსა და უნივერსიტეტს შორის 16.12.2009 წლის უსასყიდლო უზუფრუქტის ხელშეკრულების გაუქმებაზე 5837,08 კვ.მ მიწის ნაკვეთის ნაწილში, ტოლფასი მიწის ნაკვეთის გადმოცემის სანაცვლოდ, ანუ ფართის უცვლელად.

კენჭისყრაზე დაისვა აღნიშნული საკითხის “ბ” პუნქტი, კერძოდ, ქ. თბილისში, უნივერსიტეტის ქუჩაზე, მაღლივი კორპუსის მიმდებარედ 20 კვ.მ. მიწის ნაკვეთის იჯარით აღებასთან დაკავშირებით, საკანცელარიო საქონლისა და წიგნების რეალიზაციის მიზნით.

აღნიშნულ საკითზე უარყოფითი პოზიცია დაფიქსირდა წარმომადგენლობითო საბჭოს წევრების მხრიდან, შესაბამისად, უნივერსიტეტის მიზნებიდან გამომდინარე არ ჩაითვალა მიზანშეწონილად მიწის ნაკვეთის იჯარით გაცემა.

კენჭისყრის შედეგი:

მომხრე – 0;

წინააღმდეგი – 23;

თავი შეიკავა – 0;

მიღებული გადაწყვეტილებები:

არ დაკმაყოფილდეს ქ. თბილისში, უნივერსიტეტის ქუჩაზე, მაღლივი კორპუსის მიმდებარედ 20 კვ.მ. მიწის ნაკვეთის იჯარით აღების საკითხი, საკანცელარიო საქონლისა და წიგნების რეალიზაციის მიზნით.

კენჭისყრაზე დაისვა აღნიშნული საკითხის “ვ” პუნქტი, კერძოდ, უნივერსიტეტისათვის უსასყიდლო უზუფრუქტის ფორმით გადმოცემულ კორპუსებში (მე-2, მე-6, მე-10 (მაღლივი), მე-11 სასწავლო კორპუსი (ბიოლოგები), საუნივერსიტეტო ბიბლიოთეკა) - სწრაფი კვების აპარატისა და გამაგრებელი სასმელების განსათავსებლად.

კენჭისყრის შედეგი:

მომხრე – 23;

წინააღმდეგი – 0;

თავი შეიკავა - 0;

მიღებული გადაწყვეტილებები:

გაიცეს თანხმობა უნივერსიტეტისათვის უსასყიდლო უზუფრუქტის ფორმით გადმოცემულ კორპუსებში (მე-2, მე-6, მე-10 (მაღლივი), მე-11 სასწავლო კორპუსი (ბიოლოგები), საუნივერსიტეტო ბიბლიოთეკა) - სწრაფი კვების აპარატისა და * გამაგრილებელი სასმელების განსათავსებლად.

კენჭისყრაზე დაისვა აღნიშნული საკითხის "დ" პუნქტი, კერძოდ, ბაგების სტუდენტების სამრეცხაოში არსებული სარეცხი კომპლექტის (უთო, საშრობი) შესყიდვის ან იჯარით გაცემისთან დაკავშირებით. წარმომადგენლობითი საბჭოს წევრების მიერ გამოითქვა მოსაზრება იმასთან დაკავშირებით, რომ საკითხი საჭიროებს დამატებით შესწავლას და იგი უნდა დაუბრუნდეს ხელახლა განსახილველად ადმინისტრაციას. აღნიშნულ პოზიციას დაეთანხმა საბჭოს ყველა წევრი. შესაბამისად კენჭისყრაზე დაისვა საკითხის ადმინისტრაციისათვის დაბრუნება, დამატებითი ინფორმაციის წარმოდგენის მიზნით.

კენჭისყრის შედეგი:

მომხრე - 23;

წინააღმდეგი - 0;

თავი შეიკავა - 0;

მიღებული გადაწყვეტილებები:

საკითხი დამატებითი შესწავლის * მიზნით დაუბრუნდეს თსუ ადმინისტრაციის.

5. წარმომადგენლობითი საბჭოს სპიკერმა საბჭოს დასამტკიცებლად წარუდგინა აკადემიური საბჭოს 7.12.2009 წლის №318 დადგენილება “ეკონომიკის მეცნიერებათა დოქტორ რევაზ კაკულიასათვის ივანე ჯავახიშვილის სახელობის მედლის მინიჭების შესახებ”.

გაიმართა კენჭისყრა აღნიშნულ საკითხზე.

კენჭისყრის შედეგი:

მომხრე – 23;

წინააღმდეგი – 0;

თავი შეიკავა – 0;

მიღებული გადაწყვეტილება:

დამტკიცდეს აკადემიური საბჭოს 7.12.2009 წლის №318 დადგენილება “ეკონომიკის მეცნიერებათა დოქტორ რევაზ კაკულიასათვის ივანე ჯავახიშვილის სახელობის მედლის მინიჭების შესახებ”.

6. წარმომადგენლობითი საბჭოს სპიკერმა საბჭოს დასამტკიცებლად წარუდგინა აკადემიური საბჭოს 7.12.2009 წლის №314 დადგენილება “ივანე ჯავახიშვილის სახელობის მედლის მინიჭების შესახებ”. აღინიშნა, რომ მითითებული დადგენილებით აკადემიურმა საბჭომ ივანე ჯავახიშვილის სახელობის მედალი მიანიჭა თსუ-ს პროფესორ-ემერიტუსებს.

გაიმართა კენჭისყრა აღნიშნულ საკითხზე.

კენჭისყრის შედეგი:

მომხრე – 23;

წინააღმდეგი – 0;

თავი შეიკავა – 0;


მიღებული გადაწყვეტილება:

დამტკიცდეს აკადემიური საბჭოს 7.12.2009 წლის №314 დადგენილება
“ივანე ჯავახიშვილის სახელობის მედიის მინიჭების შესახებ”.

წარმომადგენლობითი საბჭოს

სპიკერი

სხდომის მდივანი



კახაბერ ლორია

ელგუჯა მექვაბიშვილი

დამტკიცებულია თსუ წარმომადგენლობითი საბჭოს გადაწყვეტილებით (სხდომა №23; 24.12.2009წ.)

წარმომადგენლობითი საბჭოს სპიკერი - კახაბერ **ლორენველია** **ჩანცელი**



ივანე ჯავახიშვილის სახელობის თბილისის სახელმწიფო
უნივერსიტეტის

2010 წლის ბიუჯეტი

დანართი 1

მოსალოდნელი შემოსავლები	2010წელი
სასწავლო გრანტიდან	10,537,725.00
ეკონომიკური საქმიანობიდან	12,307,200.00
სახელმწიფო ბიუჯეტიდან (საგანმანათლებლო პროგრამა)	3,637,000.00
2009 წლის გარდამავალი ნაშთი	3,587,700.00
სახელმწიფო (პრეზიდენტის) სტიპენდია	378,000.00
ვერობილური კვლევების ინსტიტუტი	179,580.00
ეკონომიკის საერთაშორისო სკოლის სწავლის ქირა	244,000.00

ჯამი	30,871,205.00
------	---------------

სულ მოსალოდნელი გრანტები	4,243,700.00
ერთჯერადი სამეცნიერო გრანტები	2,800,000.00
საერთაშორისო გრანტები	759,000.00
ეკონომიკის საერთაშორისო სკოლის გრანტები	684,700.00

სულ შემოსავალი	35,114,905.00
----------------	---------------

2010 წლის ხარჯები

დანართი 2

ასიგნებების დასახელება	მაკონინიკური კოდი	შტაბი	2010 წელი
I			
სულ ასიგნებები (I+II)			35,114,905
მომუშავეთა რიცხოვნობა		1,425	
ძირითად შტატზე მომუშავე		1,425	
I ხარჯები	2		* 33,965,905
შრომის ანაზღაურება	21		15,807,051
საქონელი და მომსახურება	22		16,514,523
შტატგარეშე მომუშავეთა ანაზღაურება	221		9,227,249
მივლინებები	222		862,000
ოფისის ხარჯები	223		3,768,700
წარმომადგენლობითი ხარჯები	224		379,000
რბილი ინვენტარის, უნიფორმისა და პირადი ჰიგიენის საგნების შეძენის ხარჯები	227		20,000
ტრანსპორტისა და ტექნიკის ექსპლუატაციისა და მოვლა-შენახვის ხარჯები	228		140,000
სხვა დანარჩენი საქონელი და მომსახურება	2210		2,117,574
სოციალური უზრუნველყოფა	27		20,000
დამკირავებლის მიერ გაწეული სოციალური დახმარება	273		20,000
II არაფინანსური აქტივები	31		1,149,000
სხვა ძირითადი აქტივები	3113		100,000

<p>ს ხ ი გ ნ ე ბ ე ბ ი ს ზ ა ს ა ს ე ჯ ე ბ ა</p>	<p>მკონიბიკური კოდი</p>	<p>შტატი</p>	<p>2010 წელი</p>
---	-----------------------------	--------------	------------------



ივანე ჯავახიშვილის სახელობის
თბილისის სახელმწიფო უნივერსიტეტი



№ 1035/01-02-14-13

22.10.2009

ივანე ჯავახიშვილის სახელობის თბილისის
სახელმწიფო უნივერსიტეტის
წარმომადგენლობითი საბჭოს
სპიკერს ბატონ კახაბერ ლორიას

ბატონო კახაბერ,

“უმაღლესი განათლების შესახებ” საქართველოს კანონის 85-ე მუხლის თანახმად “საჯარო სამართლის იურიდიული პირის - უმაღლესი საგანმანათლებლო დაწესებულების უძრავი ქონების ან მისი ნაწილის შეძენა, გასხვისება ან იჯარით გაცემა, ასევე ნებისმიერი გადაწყვეტილების მიღება ქონებასთან დაკავშირებით, თუ იგი სცილდება საგანმანათლებლო და სამეცნიერო - კვლევითი საქმიანობის ფარგლებს, შეიძლება მხოლოდ უმაღლესი საგანმანათლებლო დაწესებულების წარმომადგენლობითი საბჭოს გადაწყვეტილებით საქართველოს განათლებისა და მეცნიერების სამინისტროსა და საქართველოს ეკონომიკური განვითარების სამინისტროს თანხმობით, კანონმდებლობის მოთხოვნათა გათვალისწინებით”.

ზემოაღნიშნულიდან გამომდინარე, გთხოვთ თქვენს თანხმობას შემდეგი უძრავი ქონების სარგებლობის უფლებით გადაცემასთან დაკავშირებით კანონმდებლობით დადგენილი წესის შესაბამისად:

1. სასწავლო კორპუსი II:

- ფოიე – ბანკომატის განსათავსებლად 3 წლის ვადით, საწყისი ფასი 1 კვ.მ. არანაკლებ 3000 ლარი;
- 55 კვ.მ. ფართზე – ინგლისური ენის მასწავლებელთა ასოციაციის განსათავსებლად - საწყისი ფასი 1 კვ.მ. არანაკლებ 10 ლარი და 50 თეთრი.

2. საუნივერსიტეტო ბიბლიოთეკა – უნივერსიტეტის ქუჩა №2 ჯამში 30 კვ.მ.:

-წიგნების, პრესისა და საკანცელარიო ნივთების რეალიზებისათვის (ფოიე), 3 წლის ვადით, საწყისი ფასი 1 კვ.მ. არანაკლებ 12 ლარი, მე-2 სართული არანაკლებ 13 ლარი და 50 თეთრი;

- ასლგადამღები აპარატის განსათავსებლად (ფოიე) 3 წლის ვადით, საწყისი ფასი 1 კვ.მ. არანაკლებ 35 ლარი, მე-2 სართული არანაკლებ 31 ლარი და 50 თეთრი;

- სწრაფი გადახდის ავტომატის განსათავსებლად 3 წლის ვადით საწყისი 1 კვ.მ. არანაკლებ 1500 ლარი.

-ეკონომიკის საერთაშორისო სკოლა – ზანდუკელის ქ. №16 დაახლოებით 40 კვ.მ. კვების ობიექტის მოსაწყობად საწყისი ფასი 1 კვ.მ. არანაკლებ 15 ლარი.

3. გარდა აღნიშნულისა გაცნობებთ, რომ სსიპ “სოხუმის ილია ვეკუას ფიზიკა-ტექნიკის ინსტიტუტის” დირექციამ 08.09.2009 წლის №17856/02 წერილით ითხოვა ნებართვა ზუსტ და საბუნებისმეტყველო მეცნიერებათა ფაკულტეტის ფიზიკის მიმართულების კომისიის შემოწმების 02.09.2008 წლის ოქმზე (იხ. დანართი) თანდართულ ნუსხაში ნაჩვენები ხელსაწყოებისა და მოწყობილობების დროებით გადაცემაზე. აღნიშნულ ქონებასთან დაკავშირებით ზუსტ და საბუნებისმეტყველო მეცნიერებათა ფაკულტეტის ფიზიკის მიმართულების 02.09.2008 წელს შექმნილი კომისიური შემოწმების შედეგად, კომისიამ დაადასტურა, რომ ინსტიტუტის მიერ მოთხოვნილი ხელსაწყოები არ წარმოადგენს ზუსტ და საბუნებისმეტყველო მეცნიერებათა ფაკულტეტისათვის საჭიროებას და აღნიშნული ინსტიტუტისათვის შესაძლებლად მიაჩნია დროებით სარგებლობაში მათი გადაცემა. ამასთან დაკავშირებით მიემართეთ საქართველოს ეკონომიკური განვითარებისა და განათლებისა და მეცნიერების სამინისტროებს, საქართველოს ეკონომიკური განვითარების სამინისტრო თვლის, რომ აღნიშნულის გადაწყვეტა უნივერსიტეტის კომპეტენციაა, ხოლო საქართველოს განათლებისა და მეცნიერების სამინისტრო ითხოვს თსუ წარმომადგენლობითი საბჭოს პოზიციას აღნიშნულ საკითხზე.

გაცნობებთ, რომ ივანე ჯავახიშვილის სახელობის თბილისის სახელმწიფო უნივერსიტეტის, როგორც უზუფრუქტუარის, სარგებლობაში არსებული არასაცხოვრებელი ფართებისა და მიწის ნაკვეთების საკონკურსო საბაზრო საწყისი საიჯარო ქირა განსაზღვრულია ლიცენზირებული შპს აუდიტური ფირმა “ათოსი“-ის მიერ.

დანართი: 3 გვ.

პატივისცემით,

ადმინისტრაციის ხელმძღვანელის
მოვალეობის შემსრულებელი



რომან ხარბედია

ზუსტ და საბუნებისმეტყველო მეცნიერებათა
ფაკულტეტის ფიზიკის მიმართულების კომისიის

შემოწმების ოქმი

სოხუმის ილია ვეკუას ფიზიკა-ტექნიკის ინსტიტუტის თხოვნაზე, რომ აღნიშნულ ინსტიტუტს დროებით სარგებლობაში გადაეცეს უნივერსიტეტის კუთვნილი ხელსაწყო-მოწყობილობები, მომართვის თანახმად, ამ თხოვნის მიზანშეწონილობის დადასტურების მიზნით, ჩატარდა ადგილზე (ოთახ. №88, №292) ხელსაწყო-მოწყობილობების კომისიური შემოწმება. კომისიის შემადგენლობაში შედიოდნენ:

ალექსანდრე შენგელაია (სრული პროფესორი)
იოსებ მეცხვარიშვილი (ასისტ. პროფ. ფიზიკის მიმართულების მატ.
პასუხისმგებელი)
მიხეილ ხავთასი (ფაკულტეტის ქონების მართვის სამს. უფროსი)
გურამ დგებუაძე (სოხუმის ილია ვეკუას ფიზიკა-ტექნიკის ინსტიტუტი,
ლაბორატორიის გამგე)
ვლადიმერ ჭანტურიძე (სოხუმის ილია ვეკუას ფიზიკა-ტექნიკის ინსტიტ. მატ.
პასუხისმგებელი)
კომისიამ დეტალურად შეისწავლა:

- ა) მოთხოვნილი ხელსაწყო-მოწყობილობების მდგომარეობა
 - ბ) დღესდღეობით მისი საჭიროება უნივერსიტეტისათვის, კერძოდ, ზუსტ და საბუნებისმეტყველო მეცნიერებათა ფაკულტეტის, ფიზიკის მიმართულებისთვის.
- კომისიამ შემოწმების შედეგად დადგინა:

1. ა) რომ მოთხოვნილი ხელსაწყოები ძირითადად არის არა მუშა მდგომარეობაში და საჭიროებს კაპიტალურ რემონტს.

ბ) ზოგიერთი დანადგარი არ არის სრულად დაკომპლექტებული და საჭიროებს დამატებითი მოწყობილობების შექმნას და მაკომპლექტებული დეტალების დამზადებას.

2. აღნიშნული ხელსაწყოები არის დღესდღეობით გამოუსადეგარი ფიზიკის მიმართულებისათვის.

მოხსენებით ბარათს, თან ერთვის დანართი-1, სადაც სრულად არის წარმოდგენილი გადასაცემი ხელსაწყოების ჩამონათვალი და მისი ტექნიკური მდგომარეობა.

ზემოთქმულიდან გამომდინარე, სოხუმის ილია ვეკუას ფიზიკა-ტექნიკის ინსტიტუტის მიერ მოთხოვნილი ხელსაწყოები, არ წარმოადგენს ზუსტ და საბუნებისმეტყველო მეცნიერებათა ფაკულტეტისათვის საჭიროებას და აღნიშნული ინსტიტუტისათვის დროებით სარგებლობაში შესაძლებელია მათი გადაცემა.

ალექსანდრე შენგელაია *ა. შენგელაია*
იოსებ მეცხვარიშვილი *ი. მეცხვარიშვილი*
მიხეილ ხავთასი
გურამ დგებუაძე *გ. დგებუაძე*
ვლადიმერ ჭანტურიძე *ვ. ჭანტურიძე*

2.09.2008 წ.

ხელსაწყოებისა და მოწყობილობების ნუსხა

№	საინვენტარო ნომერი	დასახელება	რაოდენობა	ადგილ მდებარეობა	შენიშვნა
1	00010694	კრიოსორბციული ტუმბო	1 ცალი	ოთახი. №88	არამუშა მდგომარეობაში
2	00010693	კრიოსორბციული ტუმბო	1 ცალი	ოთახი. №88	არამუშა მდგომარეობაში
3	00010692	კრიოსორბციული ტუმბო	1 ცალი	ოთახი. №292	არამუშა მდგომარეობაში
4	00010691	კრიოსორბციული ტუმბო	1 ცალი	ოთახი. №292	არამუშა მდგომარეობაში
5	00010690	კრიოსორბციული ტუმბოს გამოსაცდელი სტენდი კამერით. (მაკომპლექტბელი ნაწილები 48 ცალი)	1 ცალი	ოთახი. №88	დაშლილ მდგომარეობაში
6	00010689	მართვის სტენდი (მაკომპლექტბელი ნაწილები 5 ცალი და საზომი ხელსაწყოები 8 ცალი)	1 ცალი	ოთახი. №88	მუშა მდგომარეობაში
7	00010688	ღუმელი	1 ცალი	ოთახი №88	გადმწვარი
8	00010687	ტურბომოლექულური ტუმბო	1 ცალი	ოთახი. №88	მართვის ბლოკეს გარეშე
9	00010686	ტურბომოლექულური ტუმბო	1 ცალი	ოთახი. №88	მართვის ბლოკეს გარეშე
10	00010685	მართვის ბლოკი (მაკომპლექტბელი ნაწილები 7 ცალი)	1 ცალი	ოთახი. №88	
11	00010684	ღუარი	1 ცალი	ოთახი. №88	
12	00010683	ღუარი	1 ცალი	ოთახი. №88	
13	00010682	გამმართველი (მაკომპლექტბელი ნაწილები კონდენსატორები 20 ცალი)	1 ცალი	ოთახი. №88	არამუშა მდგომარეობაში
14	00010681	გამმართველი (მაკომპლექტბელი ნაწილები კონდენსატორები 20 ცალი)	1 ცალი	ოთახი. №88	არამუშა მდგომარეობაში
15	00010680	სიგნალის გენერატორი Г4-102	1 ცალი	ოთახი. №88	გასამართი
16	00010679	იმპულსეს გენერატორი Г5-15	1 ცალი	ოთახი. №88	გასამართი
17	00010678	იმპულსეს გენერატორი Г5-54	1 ცალი	ოთახი. №88	დასაკომპლექტბელი

		პენტიუმი I				
42	0603914	მონიტორი	1 ცალი	ოთახი..№88		
43	0603915	პრინტერი	1 ცალი	ოთახი..№88		
44	0603916	პროცესორი	1 ცალი	ოთახი..№88		
		პენტიუმი IV				
45	0603917	მონიტორი	1 ცალი	ოთახი..№88		
46	0603918	პრინტერი	1 ცალი	ოთახი..№88		
47	0603918	პრინტერი	1 ცალი	ოთახი..№88		
48	0603922	კსეროქსი	1 ცალი	ოთახი..№88		
49	00010644	ინსტრუმენტების კომპლექტი.	1 ცალი	ოთახი..№88		
50	00010654	ლაზერი (მაკომპლექტებელი მოწყობილობებით 4 ბლოკი)	1 ცალი	ოთახი..№88	არა მუშა მდგომარეობაში	
51	00010653	მაგიდა სამონტაჟო	1 ცალი	ოთახი..№88		
52	00010652	მაგიდა სამონტაჟო	1 ცალი	ოთახი..№88		
53	00010651	მაგიდა სამონტაჟო	1 ცალი	ოთახი..№88		
54	00010650	სახარატო ჩარხი	1 ცალი	ოთახი..№294	არა მუშა მდგომარეობაში	
55	00010649	სადარავი ჩარხი	1 ცალი	ოთახი..№294	არა მუშა მდგომარეობაში	
56	00010648	ხელსაწყოების სადგამი	1 ცალი	ოთახი..№292		
57	00010647	ხელსაწყოების სადგამი	1 ცალი	ოთახი..№292		
58	00010646	რკინის კარადა	1 ცალი	ოთახი..№88		
59	00010645	რკინის კარადა	1 ცალი	ოთახი..№88	საკეტის გარეშე	
60		საწერი მაგიდა	4 ცალი	ოთახი..№88		
61		სკამი	6 ცალი	ოთახი..№88		
62		თაროები	4 ცალი	ოთახი..№88		



N 185/01/02-14-02

" 21 " 12 2009წ

ივანე ჯავახიშვილის სახელობის თბილისის
 სახელმწიფო უნივერსიტეტის
 წარმომადგენლობითი საბჭოს
 სპიკერს ბატონ კახაბერ ლორიას

ბატონო კახაბერ,

“უმაღლესი განათლების შესახებ” საქართველოს კანონის 85-ე მუხლის თანახმად “საჯარო სამართლის იურიდიული პირის - უმაღლესი საგანმანათლებლო დაწესებულების უძრავი ქონების ან მისი ნაწილის შეძენა, გასხვისება ან იჯარით გაცემა, ასევე ნებისმიერი გადაწყვეტილების მიღება ქონებასთან დაკავშირებით, თუ იგი სცილდება საგანმანათლებლო და სამეცნიერო - კვლევითი საქმიანობის ფარგლებს, შეიძლება მხოლოდ უმაღლესი საგანმანათლებლო დაწესებულების წარმომადგენლობითი საბჭოს გადაწყვეტილებით საქართველოს განათლებისა და მეცნიერების სამინისტროსა და საქართველოს ეკონომიკური განვითარების სამინისტროს თანხმობით, კანონმდებლობის მოთხოვნათა გათვალისწინებით.

ზემოაღნიშნულიდან გამომდინარე, გთხოვთ თქვენს თანხმობას, ქვემოთმითითებული უძრავ-მოძრავი ქონების სარგებლობის უფლებით გადაცემაზე, ხოლო წერილის პირველ პუნქტში მითითებულ საკითხთან დაკავშირებით თქვენს თანხმობას 16.12.2009 უზუფრუქტის ხელშეკრულების ნაწილობრივ გაუქმებაზე ზედღების გამოსწორების მიზნით ტოლფასი მიწის ნაკვეთის გადმოცემის სანაცვლოდ:

1. ივანე ჯავახიშვილის სახელობის თბილისის სახელმწიფო

უნივერსიტეტს 24.08.2009 წ. №16743/02 წერილით მომართა თბილისის მუნიციპალური საწარმო “ჰერმესის” გენერალურმა დირექტორმა გიორგი საგინაშვილმა, რომელშიც აღნიშნულია, რომ საბურთალოს სამართლებრივი რეგისტრაციის მიზნით, მზადდება სასაფლაოს მიერ დაკავებული მიწის ნაკვეთის გეგმა-ნახაზი, მუშა პროცესში გამოვლენილია ზედდება, უნივერსიტეტის მიერ რეგისტრირებული მიწის ნაკვეთის გარკვეული ნაწილის სასაფლაოს მიერ წლების წინ ათვისების გამო. წერილში აღნიშნულია, რომ მითითებული ფაქტის მიმართ მერიის პოზიციაა შემოგვათავაზონ ტოლფასი მიწის ნაკვეთი მიმდებარე ტერიტორიაზე. შესაბამისად, წერილით დასმულია საკითხი, განვიხილოთ აღნიშნული წინადადება და დადებითად გადაწყვეტის შემთხვევაში, დროულად მოვახდინოთ არსებული საზღვრების კორექტირება. ქ. თბილისის მერიის არქიტექტურის სამსახურში არაერთი შეხვედრა მიექდვნა აღნიშნული პრობლემის დარეგულირების საკითხს. დაისახა გარკვეული გზები პრობლემის დასარეგულირებლად. იმის გათვალისწინებით, რომ ფაქტობრივად შეუძლებელია პირვანდელი მდგომარეობის აღდგენა აღნიშნული პრობლემის დარეგულირების მიზნით, მიზანშეწონილად ჩაითვალა უნივერსიტეტის მიწის ნაკვეთის გეგმის (წითელი ხაზების) კორექტირება ფართის შეუცვლელად. საქართველოს ეკონომიკური განვითარების სამინისტროსთან კონსულტაციის შედეგად გაირკვა, რომ საკითხის გადასაწყვეტად საჭიროა გაუქმებულ იქნას საქართველოს ეკონომიკური განვითარების სამინისტროსა და უნივერსიტეტს შორის 16.12.2009 წლის უსასყიდლო უზუფრუქტის ხელშეკრულება 5837,08 კვ.მ მიწის ნაკვეთის ნაწილში.

ამდენად, წარმომადგენლობითმა საბჭომ უნდა იმსჯელოს აღნიშნულ საკითხზე და გასცეს თანხმობა (მიზანშეწონილობის შემთხვევაში), რათა გაუქმდეს საქართველოს ეკონომიკური განვითარების სამინისტროსა და უნივერსიტეტს შორის 16.12.2009 წლის უსასყიდლო უზუფრუქტის ხელშეკრულება 5837,08 კვ.მ მიწის ნაკვეთის ნაწილში, ტოლფასი მიწის ნაკვეთის გადმოცემის სანაცვლოდ, ანუ ფართის უცვლელად.

2. მოქალაქე თამაზ ცხაკაია ითხოვს ქ. თბილისში, უნივერსიტეტის ქუჩაზე, მაღლივი კორპუსის მიმდებარედ 20 კვ.მ. მიწის ნაკვეთის იჯარით აღებას საკანცელარიო საქონლისა და წიგნების რეალიზაციის მიზნით.
3. უნივერსიტეტისათვის უსასყიდლო უზუფრუქრის ფორმით გადმოცემულ კორპუსებში (მე-2, მე-6, მე-10 (მაღლივი), მე-11 სასწავლო კორპუსი (ბიოლოგები), საუნივერსიტეტო ბიბლიოთეკა) - სწრაფი კვების აპარატისა და გამაგრილებელი სასმელების განსათავსებლად.
4. შპს "ლოტოსის" დირექტორი ითხოვს უნივერსიტეტის ბაგების სტუდქალაქის სამრეცხაოში არსებული სარეცხი კომპლექტის (უთო, საშრობი) შესყიდვას ან იჯარით გაცემას. შპს აუდიტორული კომპანია "ათოსის" დასკვნის მიხედვით, აღნიშნული მოძრავი ქონების აღდგენა არარენტაბელურია, მისი შეფასება მოხდა არსებული კვანძების და დეტალების წონის ჯართის საბაზრო ფასად და რეალური ღირებულება შეფასების მომენტისათვის შეადგენს 300 ლარს.

ამასთან, გაცნობებთ, რომ ივანე ჯავახიშვილის სახელობის თბილისის სახელმწიფო უნივერსიტეტის, როგორც უზუფრუქტუარის, სარგებლობაში არსებული არასაცხოვრებელი ფართებისა და მიწის ნაკვეთების საკონკურსო საბაზრო საწყისი საიჯარო ქირა განსაზღვრულია ლიცენზირებული შპს აუდიტური ფირმა "ათოსი"-ის მიერ და ზემოაღნიშნული ქონების (წერილის მე-2, მე-3 მე-4 პუნქტები) სარგებლობის ან საკუთრების ფორმით გადაცემა მოხდება კანონმდებლობით დადგენილი წესით.

პატივისცემით,

ადმინისტრაციის ხელმძღვანელის
მოვალეობის შემსრულებელი

 რომან ხარბედია